



## UPUTSTVO KANDIDATIMA ZA POLAGANJE PRIJEMNOG ISPITA

za upis studenata u prvu godinu prvog ciklusa i prvu godinu stručnog studija na  
Elektrotehničkom fakultetu u Sarajevu  
u studijskoj 2020/2021. godini

Ispit će se održati u srijedu, 01. 07. 2020. godine od 9:00 do 11:00 sati. Uz pretpostavku da epidemiološka situacija bude stabilna, ispit će se održati u prostorijama Elektrotehničkog fakulteta u Sarajevu, Kampus Univerziteta u Sarajevu, Zmaja od Bosne bb, Sarajevo. U suprotnom, ispit će se održati online, prema novim pravilima koja će biti blagovremeno objavljena.

1. Uz pretpostavku stabilne epidemiološke situacije, kandidati za polaganje prijemnog ispita treba da dođu u vremenu od 08:30 – 08:45 pred salu u kojoj su raspoređeni da rade prijemni ispit. Raspored kandidata po salama će biti objavljen na oglasnoj tabli na ulazu u Fakultet i web stranici Fakulteta u utorak, 30. 06. 2020. godine do 17:00 sati.
2. Svaki kandidat mora sa sobom imati i odgovarajući identifikacioni dokument sa slikom (lična/osobna karta, vozačka dozvola ili pasoš/putovnica), te obrazac s ličnom šifrom, koji kandidati dobijaju prilikom prijave za upis na Fakultet.

### UKOLIKO KANDIDAT NE DONESE NAVEDENE DOKUMENTE, NEĆE BITI U MOGUĆNOSTI PRISTUPITI PRIJEMNOM ISPITU.

1. Test se piše 120 minuta, od trenutka kada posljednji kandidat u sali dobije zadatke za rad.
2. Boduju se samo zadaci kod kojih je, pored zaokruženog tačnog rezultata, ponuđen i postupak kojim se došlo do tačnog rezultata. Zaokružen tačan odgovor sa potpunim i korektnim postupkom nosi 2 boda. Zaokružen tačan odgovor uz nedvosmisleno nepotpun postupak nosi 1 bod. Zadatak sa nedvosmisleno nekorektnim postupkom, ili zadatak uz koji nije naveden postupak rješavanja, nosi 0 bodova, bez obzira da li je zaokružen tačan odgovor ili ne. Isto vrijedi za zadatak sa zaokruženim netačnim odgovorom, bez obzira na postupak. Negativnih bodova nema.
3. Tokom rješavanja zadataka, strogo je zabranjeno koristiti mobilne uređaje, kalkulatoru ili neka druga elektronska sredstva. Kandidati kod sebe mogu imati samo pisaći pribor (test se piše isključivo plavom ili crnom hemijskom olovkom), identifikacioni dokument i obrazac sa ličnom šifrom kandidata.
4. Tokom rješavanja zadataka, nije dozvoljen bilo koji vid komunikacije sa ostalim kandidatima.
5. Pitanja usljed potencijalnih dilema ili nejasnoća oko predmetnih zadataka upućuju se dežurnom asistentu, ali tako da pitanje i odgovor čuju i ostali kandidati u toj sali. Narušavanje ovog pravila se sankcionira odstranjivanjem kandidata sa prijemnog ispita.
6. Dežurnim asistentima nije dozvoljeno prilaziti pojedinim kandidatima, niti komunicirati sa njima na bilo koji način.
7. Na dobijenim papirima sa zadacima piše se samo šifra kandidata na za to predviđeno mjesto.
8. Nakon isteka vremena predviđenog za izradu zadataka prijemnog ispita kandidat je dužan predati testove i originalni obrazac sa odgovorima na zadatke, a kopiju obrasca sa odgovorima na zadatke kandidat zadržava za sebe.

*Predsjednik Komisije:*

*Red. prof. dr Jasmin Velagić*

